

0900 hrs

1. प्रधानमंत्री नरेन्द्र मोदी हुंदा पेरिस च गर्मजोशी कन्नै सुआगत, फ्रांस दे राष्ट्रपति मैक्रो हुंदे कन्नै अज्ज मलाटी करगन।
2. राष्ट्रपति द्रौपदी मुर्मू होर अज्ज यूनानी दिवस उप्पर दळं रोजा अंतराष्ट्रीय सम्मेलन दा उद्घाटन करगन।
3. भारत नै अपना पैह्ला स्वदेशी स्वचालित जैव-चिकित्सा कचरा प्रबंधन सरबन्धी संयंत्र शुरू कीता।
4. भारत ऊर्जा सप्ताह 2025 अज्ज थमां नमीं दिल्ली च शुरू होग। प्रधानमंत्री नरेन्द्र मोदी होर वर्चुअल ढंगै कन्नै एहदा उद्घाटन करगन।
5. बैडमिंटन च एशिया मिक्स्ट टीम चैंपियनशिप 2025 अज्ज चीन दे किंगदाओ च शुरू होग।

प्रधानमंत्री नरेन्द्र मोदी होर अज्ज पेरिस च फ्रांस दे राष्ट्रपति इमैनुअल मैक्रो हुंदे कन्नै गल्लबात करगन। इस वार्ता दा उद्देश्य भारत-फ्रांस सरबंधें गी होर मजबूत करना ऐ। मोदी होर केई प्रमुख दपक्खी वार्ताएं च बी हिस्सा लैंगन। इस दरान भारत ते फ्रांस बश्कार केई महत्वपूर्ण दपक्खी समझौतें उपपर दस्तखत होने दी मेद ऐ। प्रधानमंत्री होर अज्ज उत्थें ए.आई एकशन शिखर सम्मेलन च बी हिस्सा लैंगन। भारत इस सम्मेलन दी सह-अध्यक्षता करा'रदा ऐ। एह्दा उद्देश्य ए.आई दे क्षेत्र च वैश्विक मानक स्थापत करना ऐ। फ्रांस यात्रा उपपर पुज्जेने परैंत प्रधानमंत्री हुंदा शानदार सुआगत होआ। फ्रांस च कार्यक्रमें च हिस्सा लैने मगरा प्रधानमंत्री होर अमरीका दे राष्ट्रपति डोनोल्ड ट्रंप हुंदे साद्दे उपपर दो दिनें दी अमरीका यात्रा उपपर जांगन। ओह कल मार्सिले थमां अमरीका खाना होंगन।



રાષ્ટ્રપતિ દ્રૌપદી મુર્મૂ હોર અજ્ઞ નમીં દિલ્લી ચ યૂનાની દિવસ ઉપ્પર દહ્ન રોજા અંતર્રાષ્ટ્રીય સમ્મેલન દા ઉદઘાટન કરગનં। ઇસ મોકે પર વિજ્ઞાન તે પ્રૌદ્યોગિકી મંત્રી ડૉ. જિતેન્દ્ર સિંહ હોર બી મજૂદ રૌહગન। મશહૂર યૂનાની ચિકિત્સક, શિક્ષક તે સ્વતંત્રતા સૈનાની હકીમ અજમલ ખાન હુંદી જયંતિ દે ઉપલક્ષ્ય ચ 11 ફરવરી ગી હર બ'રે યૂનાની દિવસ મનાયા જંદા એ। આયુષ મંત્રાલય તૈહત ઓને આલે પ્રમુખ અનુસંધાન પરિષદ, કેન્દ્રીય યૂનાની ચિકિત્સા અનુસંધાન પરિષદ “એકીકૃત સ્વાસ્થ્ય” સરબંધી હલ લેઈ યૂનાની ચિકિત્સા ચ નવાચાર અગ્ગે દી રાહ વિષે ઉપ્પર દો રોજા અંતર્રાષ્ટ્રીય સમ્મેલન દી મેજબાની કરા'રદા એ। એ સમ્મેલન વૈશ્વિક સ્વાસ્થ્ય તે કલ્યાણ ગી બઢાવા દેને ચ યુનાની ચિકિત્સા દી ભૂમકા દે મહત્વ ગી ડાગાગર કરદા એ।

केन्द्री मंत्री डॉ. जितेन्द्र सिंह होरें एम्स नमीं दिल्ली च भारत दा पैह्ला स्वदेशी स्वचालित जैव चिकित्सा कचरा प्रबंधन उपचार रिंग जेहदा नां सृजनम ऐ दा शुभारंभ कीता। तिरुवनतापुरम च सीएसआईआर दे एनआईआईएसटी आस्सेआ विकसित एह देश च अपनी किस्म दा पैह्ला उपकरण ऐ। इस मौके उपपर बोलदे होई स्थिरता ते पर्यावरण सरबंधी चैतायाए दे महत्व उपपर लोह पाई ते कचरे शा लाह ठोआने आली बक्खी इक बक्ख दे

बदलाव दा आह्वान कीता। मंत्री होरें सृजनम दे महत्व उपपर बी लाह पाई जेहड़ा सेहत सहूलतें दे क्षेत्र च क्रांति आन्नने लेई तैआर ऐ।

<><><><><><>

Omar-Shah Meet

मुख्यमंत्री उमर अब्दुल्ला होर केन्द्री गृहमंत्री अमित शाह हुंदे कन्नै नमीं दिल्ली च मलाटी कीती। आकाशवाणी जम्मू संवाददाता दी रिपोर्ट मूजब मलाटी मगरा उमर अब्दुल्ला होरें आखेआ जे गृहमंत्री हुंदे कन्नै महत्व आले मामलें पर चर्चा होई। उनें मीडिया कन्नै गल्ल करदे होई आखेआ जे केई सारे मामलें पर चर्चा होई जेहदे च जम्मू कश्मीर दा राज्य दा दर्जा परताना, सुरक्षा स्थिति ते विधानसभा औंदे बजट सत्र बी शामिल ऐ। जम्मू कश्मीर दे मुख्यमंत्री दा औहदा संभालने मगरा एह उमर अब्दुल्ला हुंदी गृहमंत्री हुंदी त्रीह मलाटी ऐ। मुख्यमंत्री दे औहदे दा कम्मकाज संभालने मगरा 23 अक्टूबर 2024 गी पैहली बैठक ते 19 दिसम्बर 2024 गी दूई बैठक गृहमंत्री हुंदे कन्नै लाई ही। उनें जम्मू कश्मीर दा राज्य दा दर्जा वापस परताने ते होर दुए मामलें पर चर्चा कीती।

<><><><><><>

Niti Ayog

नेति आयोग दे उपाध्यक्ष सुमन बेरी मुख्य कार्यकारी अधिकारीबी.वी.आर सुब्रमण्यम ते सदस्य डॉ. विनोद कुमार पाल होरें कल नमीं दिल्ली च राज्यें ते राज्यें दे सरकारी विश्वविद्यालयें राएं गुणवत्तापूर्ण उच्च शिक्षा दे विस्तार उपपर आयोग दी रिपोर्ट जारी कीती। इस मौके उपपर बेरी होरें मेद प्रगट कीती जे रिपोर्ट च दित्ती गेदी सफारशें गी केन्द्री ते राज्य सरकार दे मंत्रालय दी तरफा लागू कीता जाग। उनें भारतीय प्रौद्योगिकी संस्थानें ते राज्यें दे सरकारी विश्वविद्यालयें जनेई संसीएं गी उस गुवत्ता लेई जतन करने दा आह्वान कीता।

<><><><><><>

India Energy

इंडिया एनर्जी वीट 2025 अज्जै थमां नमीं दिल्ली च शुरू होआ'रदा ऐ। इंडिया एनर्जी पीट यानि भारत ऊर्जा सप्ताह 2025 वैश्विक ऊर्जा कलेंडर च इक मील दा पत्थर साबत होग जिने पैहले कोला मता विकास दर्ज करदे होई तेजी कन्नै बाद्धा कीता ऐ। तकरीबन 7 सौ प्रदर्शक ते 70 जहार वैश्विक ऊर्जा पेशेवर इस 4 घ्याड़े दे भव्य आयोजन च हिस्सा लैगन। जेहदा मकसद नमेषन दी शुरूआत, भागीदारी बधाना ते ऊर्जा दे भविष्य गी नमां रूप देना ऐ। नमीं दिल्ली च मीडिया गी जानकारी दिंदे होई पेट्रोलियम ते प्रकृति गैस मंत्री हरदीप सिंह पुरी होरें आखेआ जे प्रधानमंत्री नरेन्द्र मोदी होर वर्चुअल ढंगे नै इस भारत ऊर्जा सप्ताह 2.25 दा शुभारंभ करगं। उनें दस्सेआ जे मंत्रिण ते मुख्य कार्यकारी अधिकारिण दी भागीदारी, प्रदर्शनी दी जगह दे दायरे ते सत्रेंद ी गिनतरी दे साबै एह कार्यक्रम दुनिया दा दूआ सब्बने शा बड़डा ऊर्जा सरबंधी कार्यक्रम होग।

<><><><><><>

Bussiness Rules Committee

जम्मू कश्मीर विधानसभा दी कारोबारी नियमें दी कमेटी अज्ज अपनी चौथी बैठक करोग जेह्दे च सदस्येग 1 दित्ते गेदे संशोधित नियमें दे मसोदे पर बचार बमर्श करने ते मुकदा रूप देने दी संभावना ऐ। आकाशवाणी दे जम्मू संवाददाता नै जानकारी दित्ती ऐ जे एह बैठक केई सदस्ये आस्सेआ शुरूआती मसोदे गी सखल्ला बनाने सरबन्धी दित्ते गेदे सुझाए मगरा कीती जाग। पिछली बैठक च किश सदस्ये नियमें दे मसोदे गी होर सखल्ला बनाने दी लोड़ पर जोर भरेआ हा ते विधानसभा सचिवालय गी दस्तोवेज गी असानी कन्नै समझने ते प्रतिक्रिया देने साब्बै तैआर करने दी गुजारश कीती ही। एह्दी पच्छोकडै च स्पीकर होर अज्जै दी बैठक लांगन। मन्नेआ जा'रदा ऐ जे नमें सिरेआ तैआर कीते गेदे मसोदे गी मते सारे विधायके दी सैहमति दे मगरा उपराज्यपाल मनोज सिन्हा हुंदे कोल मंजूरी लेई पेश कीते जाई सकदा ऐ। जेकर सब किश योजना मताबक होंदा ऐ। तां नमें नियमें गी विधानमंडल दे बजट सत्र शा पैहले लागू करने दी मेद ऐ, जेह्दा 3 मार्च थमां शुरू होने आला ऐ।

<><><><><><>

ITR Filers

जम्मू कश्मीर च पिछले 5एं ब'रें दरान इंकम टैक्स रिटर्न भरने आले लोकें दी गिनतरी च टकोह्दा बाद्धा होआ ऐ। आकाशवाणी दे जम्मू संवाददाता दी रिपोर्ट मूजब वित्त मंत्रालय आस्सेआ लोकसभा जम्मू कश्मीर च आयकर रिटर्न दाखल करने आले दी गिनतरी 2019-20 च 4 लक्ख 49 ज्हार ही जेह्डी 2024-25 च 6 लक्ख 43 ज्हार 197 होई गई। टैक्स भरने आले च बाद्धा पूरे भारत च इक व्यापक रुझान च हिस्सा ऐ। सरकार आस्सेआ कीते गेदे डिजिटल सुधारें, टैक्स गी सखल्ला बनाने ते होरनें चीजे गी बढ़ावा देने करी आमदन घोषत करने आस्तै प्रोत्साहित कीता ऐ। टैक्स फाइल करने आले च बाद्धा इक खरी सारत ऐ ते इंदे च 59 फीसद लोकें आखेआ जे उंदी टैक्स सरबन्धी कोई लाइबिलिटी नेई ऐ।

<><><><><><>

Badminton

बैडमिंटन च एशिया मिक्स्ड टीम चैंपियनशिप 2025 अज्ज चीन दे किंगदाओ च शुरू होग। लक्ष्य सेन ते मालविका बानसोड होरें भारत दी अगुवाई करगंन। सेन, एच.एस प्रणोय दे कन्नै मर्दे दे एकल मकाबले च भारत दी बक्खी खेड्ङगंन। जदके भारत दे नंबर 3 खडारी मालविका बानसोड महिलाएं दे एकल मकाबले च भारत दा प्रतिनिधित्व करगंन। मर्दे दे डबल्स मकाबले च एशियाई खेड्ङे दे चैंपियन सात्विक सांदराज रंकीरेड्डी ते चिराग शेट्टी होर खेड्ङगंन।

<><><><><><>